



12. maj 2007

Inatsisartut Suleriaasissaanni § 36 imm. 1 naapertorlugu apeqqutit uku Naalakkersuisunut apeqquti-gaakka:

Naalakkersuisunut apeqqutit Naalakkersuisut Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaannut paasissutissiinerat pillugu ataatsimiititaliap tusagassiuutitigut akisussaaneq pillugu Inatsisartut inatsisissaattut Siunnersuutip suliarineqarneranut tunngasoq.

(Inatsisartunut ilaasortaq Lene Knüppel, Demokraatit)

Pissutigisaq:

Tusagassiuutitigut akisussaaneq pillugu Inatsisartut inatsisissaattut Siunnersuutip suliarinerani KIIIP-ip tusarniaanermut akissutaa Landsdommerimit aamma Kalaallit Nunaanni Tusagassiuinermut Tunngasuni Aalajangiisartunit tigusimavaa. Tusarniaanermut akissut inatsisissatut siunnersuutip imarisaata ilaanik pingaartunik qularinnippoq. Taamaakkaluaq KIIIP / Naalakkersuisut Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaannut tusarniaanermut akissutip pigineqarneranik imarisaanillu nalunaarfigissallugit qanoq iliuuseqarsi-mannngillat.

Inatsisartut Suleriaasissaanni § 36 imm. 1 naapertorlugu ulloq 24. april 2007 Inatsisartuni ilaasortap Jens B. Frederiksenip Demokraatineersup apeqquteqarnermini Naalakkersuisut tamatumunnga pis-sutaasunik nassuiaaqquai.

Naalakkersuisut akissutiminni makkua ilaatigut oqaatigivaat:

”Tusarniaanermut akissut ataatsimiititaliamut nassiunneqanngilaq pisortaqarfiup aatsaat kingusis-sorujukkut tigusimamma – tusarniaanermut akissutit killilernerat qaangiutereersoq kiisalu aam-ma akissutit tiguneqarsimasut KU pillugu ataatsimiititaliamut nassiutereernerisa kingorna. Tas-sunga tunngatillugu oqaatigineqassaaq tusarniaanermut akissut pineqartoq kingusippallaartumik tiguneqarsimanera pissutigalugu Naalakkersuisut Tusagassiuutitigut akisussaaneq pillugu Inatsi-sartut inatsisissaattut Siunnersuutip piareersarnerani suliarineqarneranilu ilaatinneqarsimann-gimmat.”

KIIIP-ip tusarniaanermut akissummik qanga tigusaqarsimanera pineqartumi maani soqutigineqann-gilaq. Naalakkersuisut sukkulluunniit paasissutissamik peqaleraangamik suliamut ingerlanneqar-tumut pingaaruteqartumik Inatsisartut suliaqarnerannut tunngasumik Naalakkersuisut pisussaapput Inatsisartunut paasissutissaq taamaattoq ingerlateqqissallugu. Tamanna ersarissumik allassimavoq naalakkersuisut akisussaaneerat pillugu inatsisartut inatsisaanni § 6 imm. 2-mi.

Qulaani allassimasut tunngavigalugit Naalakkersuisunut makkua nalunaarutigeqquakka:

1. *Kultureqarnermut, Ilinniartitaanermut, Ilisimatusarnermut Ilageeqarnermullu Naalakker-suisup* Landsdommerip aamma Tusagassiuinermut Tunngasuni Aalajangiisartut tusarniaa-nermut akissutaat ilisimasimavai?
2. Tamanna taamaassimangippat: Naalakkersuisup pisortaqarfimminut eqqaamalluaqquniar-nerlugu paasissutissat pingaarutillit Inatsisartuni suliamut ingerlasumut tunngasut Naalak-kersuisumut saqqummiunneqartussaammata inatsisartut ataatsimiititaliaat suliamik ingerla-taqartut ilisimatinneqarnissaat siunertaralugu?



3. Tusarniaanermut akissutip Naalackersuisut inatsisissatut siunnersuummut allannguutissanik siunnersuuteqarnissamut isumaliuteqartilernerlugit, taamaassimappallu qanoq ittunik?

Akissut apeqqudit tigunerannit kingusinnerpaamik ullut suliffiusut 10 naatinnagit tigoruppaakka.